

DISPUTATIONEM PHYSICAM,
Evolventem Qv.

NUM DÆMON
CUM SAGIS GENE-

RARE POSSIT,

Numine div. favente

In Celeberrima Leucori,

SUB PRÆSIDIO

DN. M. JOHANNIS WOLFII,

Lobej. Sax.

Præceptoris, Fautoris atq; Amici

fui honoratissimi,

Publicæ συµφιλοσοφέντων disquisitioni

d. XVI. Decembr. Anno M DC LXXVI.

submitte

JOHANN. PAULUS REINECCIUS,

Hering - Thuringus,

In Auditorio Vet.

Hor. Antemer.

WITTENBERGÆ,

Typis CHRISTIANI SCHRÖDTERI.

A. 5096.

2

DISSEMINATION OF

THE

NUM D E M O N

CONTRACT

WARE

THE

THE

THE

DR. JOHANNES WOLFF

THE

THE

THE

THE

THE

JOHANNES WOLFF

THE

THE

THE

85

THE

THE



Summè admirandum est, quod res naturâ suâ ad interitum vergentes Deus gloriosus generationis beneficio à miserabili illa liberaverit. labe & clade: Quod vivat Homo in Homine, Brutum in Brutô, frutex in frutice, planta in plantâ, *Hoc opus illud est quod omnium aliorum Naturæ operum admirationem longè superat & Intelligentiam illam non errantem vel digitò monstrat & ostendit, efferimus Verbis B. Sperlingii Physici suò tempore sagac. Instit. Phys. Libr. 6. C. 6. de Generat. & Corrupt. ad Prac. ingen. p. 897.* Sed magis adhuc admirandum, imò longè supra admirationem est positum, quod Dæmon Simia Dei & infelicissimus divinorum operum Imitator, dixerim, Contrectator, conspurcator, non erubescat, ea quæ Deus in Natura primò voluit posita locò, hostiliter adgredi &, ultra bestiales, pedibus conculcare spurcissimis, horrendis. Reservavit sibi Naturæ Autor in & cum eâ Generationis opus solus exercere. Sed quo non trahit astutia Diabolum? Præsto est, &, si generationem non pessundare penitus potest, vel conspurcatam saltem dat, vel elumbem atq; ignobilem reddit, jactitans, se cum suis (quod superbus ille Spiritus Sagis potissimum persvadet) respectu generationis, idem posse quod Deus cum Naturâ. *Sed quis Physicorum hæc toleraret Verba Thrasonica è Stygio flumine eructata? quis non apertos ipsius lusus & fallacia aperiret Phantasmata? Est proinde agemus breviter & pro ingenii modulò de Quæstione istâ: Num Dæmon cum Sagis verè generare possit? Veræ Generationis promus Condus & unicus Conservator, Deus, gratiosam nobis præstet adstantiam!*

SECT. I. Exhibens Aut. OPIN.

1. **E**xistimant nonnulli Dæmonem verè cum Sagis non tantum congregari; sed etiam ob surreptum aliunde semen verè cum iis generare non secus ac si Vir cum Muliere congressum habuisset. *Paulus scilicet Ghirlandus de Sortileg. qv. 7. n. 12. Bodin. Daemonom. l. 2. C. 7. Martinus Delrio Disquis. Mag. l. 2. qv. 15,*

2. Alii concludunt ab Effectu ad Causam ita Inferentes; si datur Effectus cum Sagis Dæmoniacus, dabitur procul dubio etiâ

non tantum congressus sed etiam generatio dæmoniaca, confundentes cum Congressu generationem. Id non tantum faciunt jam modo citati Autores sed cum iis omnes illi qui Partus monstrosos è Congressu Satânico cum Sagis productos, similes vermibus bufonibus, serpentibus quos Elben / l. böse Dinger vocant, veros partus esse provenientes à verâ generatione inter Sagas & Damonem intercedente.

3. Alii etsi verum semen in & ex suâ naturâ Damonem non habere admittant; Refugiunt tamen ad illud in Corpore adsumto, eumque id vel defuncti Corpus, vel conflatum ex aëre & aliis vaporibus esse possit. Dicunt quæ prius posse ex substantia adsumti cadaveris semen relictum ex sugere, quæ sententia est Petri Paludani & Martini Arelatensis citante Nic Remigio Damonolatr. L. 1. C. 6. p. 24. Quæ posteriùs verò posse vel succubum agere, & semen à Viro Incubò communicatum rec pere, vel illud oppositis multis speciebus phantasticis, à Viro prolificere prole tumq; foecundum retinere idque prolificum in alvum sive locum foemineum, eò tempore, quò scit eam ad concipiendum esse aptissimam, inferre & sic generare, utut non per Semen tanquam quandam Dæmonis partem, tamen per semen aliunde surreptum. Hinc nonnulli istiusmodi generationis Causam Dæmonem non tam faciunt causam principalem quàm Instrumentalem, vel rectiùs non tam causam physicam quàm Moralem. Autores pro hac sententia non citabo omnes, sufficiat unicus Roder. de Arriag. Diss. 1. de Generat. Sect. 4. n. 41. p. 369. & n. 48 p. 370. Ubi admittit illos esse eorum filios à quibus semen, à Diabolo susceptum, est decifum.

4. Alii verò (ut tempus citandis sententiis non nimium absumam) veram generationem Dæmoni cum Sagis factam planè denegant. In Hæc vero sententia scinduntur in duas partes (a) Alii ita inficiantur Generationem Dæmonis, ut etiam nullum ipsius cum Sagis congressum autumant. Conf. potiss. l. c. Remig. & plures alios. (b) Reliqui verò admittendò verum (licet non rarò etiam detur phantasticus) Dæmoni congressum, negant tamen veram ab ipso causatam generationem, è quibus est August. L. 15. de Civ. D. C. 15. Damasc. L. 2. de fide C. 3. B. Lutherus ad C. 6. Genes. & in Sermonibus Mens. Tit. de Diabolo ejusq; operibus, cujus verba sufficiat jam citasse quando inquit: Wie werden aber die Kinder gezeuget; darauff sage ich also

also/ daß diese Söhne sind auch Teuffel gewesen/ haben solche selber gehabt wie die Mutter. Es ist warlich ein greulich/ schrecklich Exempel/ daß der Satan die Leute so kan plagen/ daß er auch Kinder zeuget. Also ist auch mit dem Teuffel in Wasser/ der die Menschen zu ihm hinein zeucht/ als Jungfrauen und Mägde/ mit solchen er darnach zühält/ und Teuffels-Kinder zeugt/ ic. paulò post dicit Gott gebraucht/ der Menschen zur Schöpfung als ein Mittel/ und durch dieselbe wircket Er allein/ und nicht durch den Teuffel/ darum so müssen gestohlene Kinder seyn/ wie denn der Teuffel wol Kinder stehlen kan/ wie man bißweilen Kinder in 6. Wochen verleuret/ oder müssen Suppositi seyn/ Wechsel-Kinder/ die denn die Sachsen Kieck-Kröpffe nennen/ ic. *Conf. etiam pro hac sententiâ B. Carpzov. in Pr. Cr. P. 1. qv. 49. num. 39. & qv. 50. n. 66 B. Sperlingium & cum eo Saniore alios, quorum sententiâ & nos moti firmis rationibus, insistimus.*

SECTION II exhibens Term. EXPOSIT.

1. **E**X ipso quæsito & præmissâ Autorum opinione quilibet haut difficulter colligit *nos non de Demone agere, prout spiritualis ipsius natura corpori adsumto excl. opponitur; Sed prout Corpus adsumtum simul includit, estq; ipsius Actus externus sive Forma adstans habens se ad id, ratione unionis, ut movens ad rem mobilem.* Neq; enim de priori ullâ inter diversos Autores orta est quæstio, nec dubium ortum nec motæ lites. De posteriori vero multos maxima occuparunt dubia, queis ut obviam aliquantulum eamus, præsentem tractationem instituimus.

2. Hic verò triplex statim non planè exterminanda Quæstio. *tum, An adsumat Demon, tum quales, tum quomodo idè adsumere possit.* Pro prioris sententiâ affirmativâ id satis Argumenti esse existimo, quod *Dæmones homines agitantes.* (sive in Corpore humano sive Beluino, quod & humanum non rarò fingere potest Dæmon ut Experientia constat, sub corpore pice ipsum se exhibuisse, dulcem Amasium formosissimo Juvini haut ab similem, nobis eodem res redit) *apparuerint in Corporibus, aliàs nec palpari nec tangi potuissent;* Jam verò Dæmoni non per essentiam, cum sit Spiritus, Corpus competit. E. per adsumtionis gratiam, quicquid alii hic fortè in contrarium afferant. Media verò quæstio paulò videtur esse difficilior ob diversarum sententiarum multitudinem. Interim tamen remotivè dici-

maus quod Daemon non adsumat (a) *Corpus ex materiâ & formâ celesti ab ipso fabricatum & creatum*, impossibile planè Diabolum fieri creatorem, quod nonnisi infinito adscribi potest Deo, contra Isidorum & Bedam. (b) *Corpus ex materiâ novâ, quâquam de cætero ejusdem cum materiâ Corporum humanorum sit natura, productum*, quam sententiam Isidoro fuisse credimus. Hinc (c) *Nec Corpus perfectè mixtum*, id enim debet loco causæ efficientis veram formam informantem habere, quàm Daemonem perperam aliquis efficeret. *Assertivè verò statuimus quod Corpus à Diabolo adsumtum possit esse, vel defuncti alicujus Cadaver* (quanquam hic non omnis absit difficultas. Nam Diabolus sæpe in tali apparet Corpore quod non putredinem modò; sed ipsam etiam cinesactionem non rarò admisit & in suâ minina est resolutum. Jam verò impossibile planè est Dæmoni reproducere idem numero vel etiam specie Corpus idq; movere, ut jam nihil de eâ moveam difficultate, quomodò dæmon recens defuncta Corpora è sepulcris admodum onustis & terrâ lapidibusq; obfirmatis, absq; illorum aperitione, possit extrahere eaq; movere) *vel Forma Cadaver alicujus defuncti vel viventis quodq; referens eamq; juxta probabilissimam opinionem, compactam ex aere, non spectato ratione essentia, sed existentia & in statu impuro prout exhalationes & vapores nubium vel aquæ eidem conjuncti sunt*, alias enim, si nimis crassum, ex crassâ materiâ conflatum esset Corpus, non posset facilè ex hominum sensibus subduci. Neq; verò dum istiusmodi Corpus Diabolus fabricat, id vel generando vel creando producit, solum enim aërem dispersum congregat, ejusq; partes unit & cum vaporibus aqueis conjungit, *rectè animadvertente Vasquez Part. 1. Disp. 148.* Hinc etiam fabricata illa Corpora propriè non sunt organica ut rectè nobiscum censet Gisbertus Voëtius, quæ prolixius non licet explicare. Tertia verò quæstio facilimè resolvitur. Distinguas modo *inter actum Unionis, sive rectius Unionem & Statum Unionis sive Unionem formaliter ita dictam*. Si quæris de priori, consistit assumptio corporis in potentiâ uniendi unius, cum altero. Si de posteriori absolvitur in actuali Unionem, eaq; non essentiali naturali & internâ, sed extra essentiali præternaturali & *ad extra*, e. scilicet quam habet forma adstans ad aliquam rem, vel Motor ad rem mobilem. Cur singula hæc paucis exposuerimus docebit progressus.

3. Obf. nos in hac quæstione, paulò aliter ut in illa. Num Dæmones cum Sagis congregiantur? Sagas accipere, *scilicet in oppositione ad magos & consequenter in sensu exclusivò.* Neq; enim unquam Diabolum Viro succubum cum Viro ut cum eo fœmina, generasse & foetum peperisse, aliquem statuisse, recordari possumus. Itaq; nec quæstio h c esse potest de Dæmone Succubo, semen suffurante, sed incubò semen surreptum, succubæ Sagæ, quam exercere Viri nunquam possunt communicante. De hoc quærimus num verè cum Sagâ, non vero cum Mago quodam generet.

4. Jam quod attinet Vocem generationis. Sumitur illa vel *proprie vel improprie. Improprie vel latissime, p. pro omni productione ex nihilo vel etiam pro productione ex materia inhabili,* quo sensu Creatio & mediata & immediata Generatio dici possunt: part. *pro productione Artefactorum,* quæ hoc sensu & genita dici possunt. p. *pro generatione æquivoca,* p. *pro generatione accidentium,* ita meteora communiter generata esse dicuntur quæ sunt effluviorum Affectiones & accidentia. *Vel latè pro productione rei ex Subiecto aliquo quàm acceptionem explicat Rod. de Arr. c. 1 p 364.* & sic opponitur quidem Creationi potissimum primæ, non tamen secundæ & Artefactis. *Proprie accipitur vel pro generatione ut sic,* præscindente à qualibet aliâ sive naturalis fuerit sive supernaturalis, & tunc describitur *quod sit communicatio essentia,* præscindendo à communicationis modo, an scilicet fiat per veram quandam atq; realem actionem an non. An fiat communicatio vel κατὰ δύναμιν vel κατὰ μέτρον, vel secundum istius numero essentia identificationem. *Vel pro generatione determinatâ eaq; finitâ,* quæ vel est Corporum viventium vel non viventium. Hic loci accipimus generationem finitam eamq; ad Viventia Corpora restrictam.

5. Paucis jam præsupponimus (missis tantisper speciosissimis Scholasticorum tricis quæ s præsentem doctrinam conspurcare non verentur) in Scholis nostris receptam & satis sufficientem Generationis definitionem. *Est ea Actio Corporis N. misti quæ sibi simile producit ex vel mediante semine ut perpetua specierum conservatio constet.*

6. Hujus Definitionis ad meliorem notitiam examinabimus Causas. 1.) *Efficientem* Ad quam non trahemus *Universalem primam Deum*

*Deum, qui generationem naturæ & concessit & hucusq; conserva-
vit suumq; coinfluxum ei præstat: Nec universales se undas, Cœ-
lum stellas & Astra (siquidem non putamus, etiam si Diabolus pos-
set generare, Deum cum ipso coinfluere vel ad coinfluxum Astra
dirigere) Sed Efficienti stabimus proxima, quæ in Definit. est Corpus
Naturale, puta constans ex materia & forma naturaliter sive essen-
tialiter unitis & Ens aliquod per se constituentibus. Hoc corpus na-
turale debet esse mixtum, mixtione videlicet quæ est miscibilium in mi-
nima divisorum unio à formâ specificâ facta. Ubi notabis non quam-
libet compactionem unius vel alterius Elementi facere veram mi-
xtionem, neq; etiam genuinam mixtionem è solis Elementis fieri pos-
se quod plerique Scholasticorum opinantur. Corpus humanum
non immediatè ex quatuor Elementis sed ex semine producitur,
Semen autem è Sanguine, Sanguis è Chylo, Chylus è Cibo & potu,
Cibus & potus è Plantis & Animalibus. In quibus certè non nuda
Elementa dantur sed principia etiam chymica censemus rectè cum
B. nostro Sperlingio Instit. L. 6. C. 1. q. 4. p. 893. Hæc quæ Efficientem.
2.) Materiam & quidem hîc tantum ex Quâ, quæ vel Remota, nim,
Cibus & potus in chylum mutatus, vel Propinqua, Sanguis è chylo
primùm ab hepate formatus. Proxima Sanguis à fero purgatus &
dealbatus atq; in vasis seminalibus retentus, qui communi nomine
dicitur semen, idq; non infœcundum aut expers formæ (accipio e-
nim in ipsâ generatione) sed fœcundum atq; prolificum.*

3. *Formam, quæ est Actio Corporis naturalis & si formaliter spe-
ctatur, instantanea non successiva, physica non moralis. proveniens, si
generationem profectam ab influxu sociali spectas & manentem in eâ-
dem specie, ab agente duplici destituta quidem unitate numericâ, nun-
quam specificâ. nunquam causativa. &c.* 4.) *Finem.* Et quidem
*inter medius hîc loci est felix Specierum conservatio, utut enim
continuo subjecta specierum intereant atq; corrumpantur, Speci-
es tamen hîc usq; nulla, vi generationis, ubi Corpora de se ad inte-
ritum vergunt, interitum est passa Ultimus est gloria Dei. Quando e-
nim generatio exercetur divinum mandatum atq; præceptum exple-
tur, hoc expleto Nomen etiam divinum celebratur atq; glorificatur.*

*§. 7. Cum materia generationis Proxima, intellige semen, ve-
ram potissimum, si est prolificum & fœcundum, (reliquas hîc causas
non*

non sequestro) generationem efficiat & deinde loco Argumenti nobis esse possit. paucis & hujus supponemus causas (1) Efficiens eaq; Remotissima scilicet Deus, Caelum & Astra. Remota totum Corpus generans Proxima Forma (loquor de generatione viventium) potentia vegetativa instructa, eaq; in & cum suis facultatibus primariis Altrice, Auditrice & procreatrice, quæ inserviunt secundarie, Attractrix potissimum, Retentrix & concoctrix, ad quas indivisibili nexu calor tum naturalis tum influens requiritur. (2) Materia hic potissimum venit consideranda in quâ & ex quâ. Materia in quâ sive subiectum l. ut quod totum generans est; vel ut quod idque varium, Remotum est Artéria vocata communiter præparans per quam demittitur materia seminis ad Testium Parenchymam quod profuso terminatur & sunt testiculi viriles nihil aliud quam convolutio vel conglomeratio vasorum spermaticorum in hisq; plexibus Testium separatur serum a sanguine. Propter n. quum sunt Epididymides, quæ sunt Vas seminale continuatum incumbens extremitati testiculorum, ex his decurrit in Vas Pyramidale, ex alterâ Parte in Parastatas, vel Corpus varicosum, usq; dum excurrat in Vas deferens. Proximum sunt vesiculae seminales, vel juxta quosdam corpus glandulosum, in quod à vase deferente semen defertur, & alias vocant Prostatas, quæ cum vehiculis seminalibus hiant in Urethræ foramen, quod Valvulam munitum, ne semen in voluntario effluat. In his partialibus Subjectis melius atq; melius semper materia seminis elaboratur, ac elaboratum demum in aliquo reservatur. Materia ex Quâ, non est excrementum quia non animetur animo, ut censent plurimi cholaſticorum cum Roder. de Arriaga sit. l. p. 272. Sed Proxima, Remotissimam enim & Remotam, Alimenta, adsumptionem chylicatorem &c mitto, est Sanguis isq; non totus nec impurus, sed nobilissima istius pars & tanta quanta ad semen natura destinat, purificata & diluta in certis vasis à sero & aliis ad semen non facientibus. Conf. Pauli Ammanni Paræm. C. 4. de Animæ Fac. n. 4. p. 7. (3) Forma Seminis (loquor de eo prout generationi subſternitur) est vel interna & informans, ipsa videlicet Anima, καὶ ἀπὸ τοῦ ἡμινοῦ semini ab animâ generantis communicata, illucq; per nervos spiritus vitales & Animales, ad id fecundandum, derivantur; vel Externa, quâ est Corpus calidum, humidum, spirituosum, album, extra sua vasa spiritus vitales statim amittens cum sint maximè volatiles. (4) Finis proprius est partim generationis felix absolutio, partim similis per id productio p. Nominis divini celebratio De definitione & applicatione ad præſens negotium quilibet ipse viderit.

8. Jam dist. inter generationem inchoatam seu imperfectam eamq; con-

B

gressui

gressui, quem concedimus, contradistinctam; & consummatam seu perfectam. Illa est actio, quâ formâ mediante aliquali suâ speciei materiâ producitur. Hæc est actio quâ totum compositum cum omnibus suis partibus producitur. Sive dist. int. generationis Terminum proximum, qui forma est, & ultimum, qui compositum totum. Quær. de utroq; in eo enim conveniunt, quod antequam aliquid produci possit, utriusq; Agentis Semen prolificum conjungi legitimè debeat.

9. Hæc quâ terminos simplices. Jam ad totam quæsitam Connexionem dist. inter generationem intercedentem inter *Dæmonem & Sagas imaginariam ac fictam; & inter veram atq; realem.* Illam respectu Sagarum opinionis concedimus; Non hanc. Nimirum longo experientiæ usu nondû Saga quædam est inventa cui imprægnatio contigisset, absq; humano congressu, solo Dæmonis obscuro tremendoq; complexo interveniente. Quod hic Bodinus in Mag. Dæmon. L. 2. C. 7. de interrogatione Sagarum à Dæmone factâ respectu imprægnationis urget, nolo allegare.

10. Hinc ulterius dist. inter *implere Corpus Sagarum multis atq; variis tum oribus & inter impleri verè Corpus ipsarû profectum à Dæmone.* Quâ illud (quod etiam ex parte non raro Virginibus usu venit) potest Dæmon efficere ut credant Sagæ sese imprægnatas esse. Ubi verò tempus partu edendo appropinquat, aut Obstetricis munia obit, aut infantes aliis surripit, aut laborantibus subijcit, aut etiam Diabolus seipsum sub formâ infantum supponit. Quid enim Cambiones aliud sunt, quam lusus Diabolici sive ipse Diabolus in adsumto istiusmodi Corpore, alias aliis infantibus non essent graviores, non magis macilenti, qui ne tribus quidem aut quatuor Nutricum rumis exsuctis implentur, sed tandem evanescunt. Ne verò aliquis dubitet, num possit Diabolus sub formâ infantis se sistere, allegabo ex Delr. Disqv. s. L. 2. q. 5. *Historiam de puerò quem per Galliciam & Austrias Hispaniæ ante annos non admodum multos Mendicus quidâ summa cum defatigatione humeris bajulabat: Cum quidam è Delrionis Comitibus eum in itinere repertum prope flumen ut transvaderet, misericordiâ motus, retrò se injumentum suscepisset, vix valida bestia eum potuit in alteram ripam exponere. Paulò post mendicus deprehensus fassus est, eum Puerum non Puerum se Diabolum fuisse, qui sibi promississet, omnes se ad eleemosynas ei conferendas pellecturum, quamdiu sic circumferretur habitu morbosì pueri & fasciis involuti. Hoc verò scilicet verè impleri non potest.*

11. Hinc etiam est, quod, etiam si partus nonnulli fictitii à Sagis proveniant, pleriq; tamen eorum nunquam formam genuinam hominis sed Bufoni-

fonibus, vermibus atq; erucis similem retulerint, quod ex propria Confessione refert Carpzov. l. c. Qv. 50. in Sent. l. ips. 21, 23, 24, 26, 29, 35 Ubi omnes iisdem ferme circumstantiis factæ wann sie mit ihren Buhlen zuschaffen gehabt/ hätten sie weisse Elben bekommen so gelebet/ spitzige Schnabel und schwarze Köpffe gehabt &c. Quis verò hos effectus veros ab homine simul provenientes & non potius diabolicos dixerit, idem iudicandū de infantibus Supposititiis, quos appellant Kielfröpffe. De cæterò si suffurantur obstetricibus, veros quidem eos effectus esse putamus, sed tunc nec Dæmonis nec Sagar effectus sunt, verum mulieris huius; Viri, cui subducuntur.

12. Reliqua cum ob Chartæ penuriam superaddere nequeamus, sed conflictui reservemus publico, paucis saltem adhuc præsupponimus (a) Nullam generationem, de quâ loquimur, veram, posse fieri absq; verò semine atq; prolifico (b) Corpus à Dæmone adsumtū non esse verum Corpus mixtū, & consequenter nec ex se verum semen habere, nec aliundè sublatum fecundum ob caloris absentiam retineri posse. (c) Semen extra Vasa sua emissum & non statim in locum genuinum muliebrem immissum statim Spiritus Animales, calorem & consequenter ipsam formam amittere. (d) Dæmonem se cum Corpore unire non ut forma informans sed adhsrens. (e) Dæmonem phantasiam Sagarū vel maximè corrumpere posse. (f) Ut ea quæ in totâ Exegesi attulimus reticeam; Non omnem Sagarum confessionem pro certâ esse habendam, nec effectum quemcunq; esse veram Dæmonis Sagarumq; progeniem.

SECTIO III. proponens ΘΕΣΙΝ:

Θ. 1,

Dæmon cum Sagis non potest generare.

ΚΑΤΑ Θ.

1. **E**X Defectu veri Corporis Naturalis. Dæmon non habet Corpus verum, naturale, vivum, mixtum. E. (cum Sagu) non potest generare. Maj. prob. Generatio est Actio Corporis N. mixti. O. Actio Corporis N. præsupponit vitam. Vita non competit Dæmoni. E. nec Generatio competit Dæmoni. Min. p. supra fuit ostensa, p. ulterius demonstratur Q. non habet veras Corporis N. affectiones, veras operationes vitales miscibiliumq; cunctorum formalem Copulationem, illud non habet verum Corpus naturale &c. Atqui Dæmon E. Min. ex hucusque dictis per se patet. Maj. legitimè concludit ab Actu secundo ad primum. (2) Ex Absentiâ Materiae Generationis, veri sc. Seminis. Ubicunq; datur verum semen (reliquis ponendis positis) ibi etiam datur vera generatio. In Dæmone non datur verum semen E. Maj. patet ex

præsupp. i. Not. II. Min. (1) *Ibi datur verum semen ubi datur vera nutritio.*
In Damone non datur vera Nutritio. E. Maj. licet satis clara probari tn. ex
 ipso Aristotele potest, quia omne generativum supponit vegetativum hu-
 jusq. potissimam in hoc passu facultatem, Nutritionem L. 2. de An. C. 4. T. 26.
 Excipis Damon in Corpore verè comedit & bibit. E. etiam nutritur. R. con-
 cedendo prius, secus ac facit Thomas P. 1. Q. 51. Art. 3. & cum eo Gisbertus
 Voëtius, qui ad comestionem veram tria requirit, *Masticationē, cibi, in sto-*
machum injectionem, & concoctionem s. digestionem. Cum itaq; ultimum
 potiss. requisitum absit, negat Comestionem veram; negamus posterius.
 Nulla hic est Consequentia, quia Conversio Cibi in substantiam Comeden-
 tis & inde orta nutritio non pertinet ad formalem rationem Comestionis.
 Agroti procul dubio verè comedunt, licet vel maximè Cibum ne per qua-
 drantem horulæ apud se retineant. *Κακοειπαχοι & αργοί* laborantes
 strenuè edunt, non tamen Cibum, utpote non digestū satis in substantiam
 suā convertunt. Hinc Form. Ratio comestionis consistit in *injectione ci-*
bi in Corpus, non vero in concoctione & digestionem. Ex quo patet non omne
 statim, quod comedit, nutriri. (2) *Ibi demum verum & prolificum est se-*
men, ubi ex utraq. parte Agens est liberum consensumq. habet liberum (ap-
 positum non determinatè necessario sed potissimum coacto) & potentia
 vegetandi est instructum. Neutrum verò obtinet in fictā generatione
 Damonis cum Sagis. E. Non posterius quod per se patet. Nec prius p.
 quia id constat ex nullitate generationis in hum. si altera pars non con-
 sentit; partim ex experientia, testantur enim Sagæ sic Damonibus suis
 comparata esse quæ putantur virilia, ut sine sensu maximo doloris præ-
 valitate rigoreque nimio admitti non possint Conf. Remig. Damon.
 L. 1. C. 6. p. 27. tantum E. ab eis consentiat Congressu Diabol. Saga, ut po-
 tius vel maximè repugnet. (3) *Ibi verum Semen est ubi sunt vera & natu-*
ralia vasa seminalia verumq. Membrum genitale. In Damone neutrum est.
 E. Maj. constat, quia semen etiam si de cæteris prolificum sit, extra naturalia
 sua loca constitutum statim Spiritus vitales deperdit. Min. prob. quā po-
 sterius. Quia non habet verum Corpus N. E. nec vera & naturalia Vasa se-
 minalia. Quā posterius ex Confessione Sagarum propriā, quam vide sis
 apud Autores cit. (4) *Ibi verum semen est, ubi datur verum Corpus Or-*
ganicū. In Damone non E. Dicis hic esse neg. Minorem, quia Damon possit
 congregi. E. R. (a) præsupponenda varia Corporis Organici acceptio.
 Potest n. significare (a) tale corpus quod exclusā verā aliquā misc. bilium
 commixtionē à formā intrins. proveniente, compactum est ex unā potissi-
 mum

mum materiâ simplici licet impurâ, referens quidem imaginem verarum
 partium organicarum, quæ tamen genuinâ dispositione & actibus vitali-
 bus destituntur. (b) Corpus cum variis Accidentibus & disposit. in diver-
 sis materiæ partibus, quo sensu competit rebus propriè non viventibus
 v.g. lapidi. (c) Dispositiones proximas & immediatas ad vitam ratione A-
 ctus 1. informationem verò materiæ legitimè dispositæ & perfectè mixtæ
 proveniente ab Anima, ratione Actus 2. Conf. Roder. de Arriag. C. Ph.
 Disp. 1. de An. Sect. 1. n. 9. p. 424. Ultima acceptio est h. l. (2. Jam dici-
 mus neg. Consequentiam. Quia ad eum sufficit Corpus org. primò sen-
 su acceptum, quod est improprie tale; Nec aqualis similitudo potest sol-
 vere negotium. Vid. Con. Li Arist. de G. q. 1. Art. 7. p. 72. (5.) ut reliqua re-
 ticeam, *ibi verum semen est; ubi ob Individuorum decadentiam, sui similis ad
 speciei conservationem, obinet productio. In Demone non E. Min. facili-
 constat, quia a Spiritibus fin. à parte post sunt æterni Maj. prob. quia illi
 tantum Naturæ quæ naturaliter aliquando ad interitum vergit, Sapien-
 tia divina tale medium constituit, quo possit se, si non ab individuorum,
 tamen à Specierum corruptione liberare. Dicis, his probatur saltem quod
 Daemon non habeat verum semen per Naturam, quod concedo, poterit
 tamen illud habere furto sublatum aliis. R. prius concedimus, quid verò
 de posteriori sit habendum mox in ②. 2. videbimus. 3. Ab Absurdo. Si
 Daemon cum Sagis verè generat, (a) Verus erit Pater, Conjux atq; Maritus
 (b) Deus eidem coinfluxum præstabit. (c) Corpus non-org. organicas edere
 operat. &c. Sed posterius est falsum E.*

②. II.

*Demon etiam cum Sagis non potest generare per Semen
 aliundè surreptū. Contra Ghirlandum Bod. Conimbr. &c.*

κατα θ.

SI per Semen aliundè sublatum Daemon cum Sagis generat tunc Se-
 men istud debet esse (a) *Prolificum, Spiritus vitales continens.* (2) *Calidum.* (3) *ut reliqua non tangamus, Animatum.* Sed falsum est poste-
 rius E & prius. Consequentiam Majoris ex supra dictis in confessis esse
 puto. Minoris 1. Membrum utpote satis clarum illustro (a) quia Semen
 surreptum est extra sua naturalia vasa, undè vis prolifica & πλαστική ob-
 spirituositatem & volabil. facile expirat. (b) *Verbis Carpzov c. l. Qv. 49.*
n. 35. p. 323. Ubi inquit Ex Satánico congressu ne quidem ex alterius semine,
quo Daemon fortè abutitur Prolem nasci posse; facile concesserim. Neg. enim

Semen à Diabolo aliundè acceptum extra naturalia sua receptacula vim vi-
talem retinere potest. Nec item semen prolificum à Damone tantâ celeri-
tate perfertur, ne id in via Spiritum vitalem & calorem, sine quo tamen
nulla procreandi facultas, amittat, unde licet vel maximè eo momento quo
Mulier ad concipiendum maximè est disposita, illud muliebri semini com-
misceat, nulla tamen gignendi causa esse potest, quia plura desiderat ad gredia-
tur Remig. Damon. l. c. per Caput integrum. 2. M. prob. ex Constanti omnium
Sagarum confessione quam cum radio nolo citare Conf. post Re-
mig. jam modo cit. Wierum in præst. Damon, L. 3 p. 311. Ex quibus nuga Thomæ
in 2. dist. 8. qv. 1. Art. 4. dum recurrit ad temperiem à Damone suscitaram, per
quam virtus generandi latens in semine viri possit conservari & sic eo inter-
veniente fœtum cum Saga producere, facile corruunt consule Conimbr. In
Lib. 1. Arist. de Gener. & corr. C. 4. qv. 10. Art. 3. p. 100. Ut enim jam (a) de eo,
an semini viri scelerim spectato completa ad generandum potentia insit,
nihil dicam, Certè (b) si hoc fieri posset, quàm fœcunda monstrorum Ma-
ter tam longo tempore extitisset humanum genus, semine ex feris & bestiis,
permutato, translatoq; ab incubo Dæmone & Mulieris sinui infuso; dis-
serente eruditè Wiero l. c. Exciperet fortè quis (1) semen etiam si sit constitu-
tum aliquantisper extra loca sua naturalia & non sit calidum, tamen ex eo
posse aliquid generari censente Alberto Scholiastâ L. de Form. Hom. C. 1. qui
expresse dicat: Si semen emissum ad terram poneretur ad matricem, possi-
bile esse quod conciperet, & sæpius contingere, quod in Balneo, ubi vir
sperma emittit, muliere præsentem, ipsa tanquam in coitu concipiat. Sed ô
vanæ mentis vanissima somnia, nugamenta, deliria, non opus est vel quic-
quam ad hæc loco responsi velle adferre, cum absurditate suâ se ipsa statim
jugulent. (2) Demonem posse etiam certa receptacula habere prioribus è
quibus est excisum correspondentia exactè, & sic in iis semen fœcundum con-
servare. R (a) Hoc quidem facilius dicitur quam adstruitur, Damon enim
cum non habeat verum corpus mixtum, nec vera corporis mixti vasa ha-
bebit. (b) quomodo E. in eis semen fœcundum conservabit? Reliqua mitto.
Excipis, ad minimum tamen impedire poterit, quò minus Spiritus vitales &
calor exhalent, per calorem alium scil. solarem influentem. R & hoc nega-
mus, quamvis enim calor influens possit impedire, quò minus exhalet ca-
lor è semine dum est in suis genuinis vasis & Corpore N. (positis aliis ad
huc necessariis requisitis) non tamen id præstare potest in semine extra va-
sa constitutò. (3) Demonem posse ad minimum suscitare semen Saga semine
immij-

*immisso & sic prolificum reddere vel saltem prolificum fieri, cum dicto com-
mixtum, posse. & imo potius invertere & dicerem, Semen istius modi immis-
sum non suscitare semen mulieris prolificum, sed potius illud destruere. 3.
M. prob. (1) 2. Nec ante congressum nec in congressu viri incubi cum Da-
mone succubo est Animatum, illud nec post congressum in Damone erit ani-
matum. At qui semen viri communicatum Damoni: Major est extra con-
roversiam, Min. prob. (a) quia Deus non determinatè Viri semini
sed viri & mulieris simul benedictionem multiplicativam secun-
dum speciem addidit. (b) quia Semen ante & in generatione, nisi conjun-
gatur cum alio semine est & manet pars hominis, vel cum eo conjuncta
vel disjuncta. Si conjuncta, est animatum per Animam totius, si disjuncta
totius deperdit novam autem non accipit, quia est & manet quid incom-
pletum. (2) Ex prioribus M. quia nec prolificum est nec spiritus vitales habet,
qui sunt Animæ vehiculum. Reliqua Argumenta jam linquo.*

©. III.

*Partus s. rectius Effectus monstrosi quos vocant, Elben/
Wöse Dinger & Cambiones, non à generatione intercedente inter
Damonem & Sagas proveniunt; sed à Damone tantum efforman-
tur & ab ipso moventur. Contrà jam modò citatos.*

Kata 9.

I. Membr. prob. (a) indirectè; quia hic omnis exulat generatio Ergo & Ejus
Effectus, quia sublata causa destruitur effectus inferi (b) directè, quia
istiusmodi effectus nec referunt formam hominis nec Damonis, nec utriusq;
simul, etiamsi etiam quādam urgeas mixturam. Non illius, quod per se patet;
Nec istius (nisi admittas infantes supposititios aliis sublatos) quoniam nec ejus
formam habent, nec materiam, nec effectus naturales. Nec hujus, quia hæc dū
naturæ planè sunt incompatibiles: Urges: Cambiones omninò referre (non rarò for-
mam Matris vel infantis alius. Ergo R. (a) sic ita, sed anne tunc statim à Matrè
sunt geniti Damon potest producere & adsumere corpus alterius corpori simile:
Ergo per generationem (b) aut intelliguntur per Cambiones infantes supposi-
titii aliunde surrepti, aut noviter efformati. Illos quidem formam Matris, cui
supponuntur, referre posse concedo, sed quid hoc facit ad rem. Ergo ne proveni-
unt à generatione Damonis & Sagæ. Hos verò genitos esse formamq; Matris u-
tramq; int. & ext. referre, nego (c) & quamvis non rarò etiam posteriori sensu
accepti formam saltem externam referant, non tamen exindè illius statim sunt
effectus per partum editi, tū quia Damon ex eā materiā ex qua ipse constat
ipso potest producere, tū quia eam, quam vult eidem formam non nequit im-
primere, quo eò melius Sagæ in opinione fallantur.

2. M. prob. (a) Quia Damon ante partum istiusmodi fetus monstrosos quos Elben
vocant, adducit, E, eos prius efformavit, Potest itaq; nonnullos in uterum immi-
tere,

re, qui deinde numero se multiplicare possunt. Conf. Carpz. c. l. q. 50. Sent. 21. Ubi ex Diabolico ore eructavit talē materiam ē quā Ethenvel bōse Dinger producti. (b) Quia effectus eius modi venenati, nocivi ac diabolici sunt & ratione constitutionis & ratione resolutionis E. unicē à Diabolo ex tali materia venenatā, quā Mulieris esse non potest, nisi fortē & particulā quandam ad eam adsumat, producuntur. Ratione prioris, quia inferuntur carni & Brachiis hominum, ut iis attrahatur nocumentum. Ratione huius, quia Resoluti & terrā de mandati transgredientes laesere. (c) Quia effectus istius modi pleriq; moventur, non verò semper per formā informantem E. per adstantem, quā est Diabolus. Et de Cambionibus quidē proprē dictis nullum est dubium, de effectib; verò bufonibus & serpentibus similibus videtur maioris. Sed esto, habeant & hi quandam formam, extrinsecus tamen moventē Dæmonē, ob Dæmoniacos effectus non excludunt. Conf. eund. Carpz. Remig. & alios.

©. IV.

Imo Demon ne quidem istorum Effectuum, ut per generationem producti esse debent, causa Moralis est. Contra Con. & alios.

KATA 9.

1. **Q**uia nulla planē datur generatio terminativē spectata inter Dæmonem & Sagas, nullus ex eā verus proveniens effectus. Quomodo E. utriusq; erit causa moralis, cum nulla fermē causa sit. Negato genere negatur species. 2. Quia hunc effectum à Diabolo genitum esse (verā generat.) iudicio prudentum eidem non tribuitur. (3) Quia, etiam si non rarō istiusmodi effectus monstrosus, existat Suasor ac hortator, non tamen effectus ille est in potentia causa physica. E. Excipis (a) Dæmon tamen applicat agens ad patiens sciendo scilicet opportunum concipiendi tempus, ubi celeritate quadam advolat & sublatum semen applicat. R. (a) Quamvis Dæmon videatur applicare agens ad patiens, nullus tamen sequitur effectus. (b) quamvis Dæmon sciat concipiendi opportunum tempus, non tamen semen ita prolificum retinere potest, ut mixtum cum alio semine generationem efficiat. Scit Diabolus quomodo morbi curari possint, non tamen eos curare illico potest &c. Excip. (b) licet ex surreptō semine genitos dici filios vel filias eorum unde semen decusum Dæmon surripuit. Diabolus verò, non ipse, hoc semen applicat Ergo R. hoc petit principium, negamus enim vel quicquam ex istiusmodi semine generari posse. Urges (c) Dæmonem vi quadam posse calorem & Spiritus vitales in semine conservare, ita ut postmodum exinde sequatur effectus. R. (a) Semen extra sua genuina loca statim eos amittere & Corpus Diaboli adhibere frigidissimum esse evicimus. (b) si itaq; Dæmon Spiritus istos per vim quandam restaurat, producit novam seminis formam; em & sic non moralis sed physica causa erit, quod absurdum. Sed ulterius non licet.

Agimus itaq;.

Soli Deo Gloriam!

ms (o) 200

